

本书出版得到国家古籍整理出版专项经费资助

清代吏治史料

续
紫
書
局

官員銓選史料
二四

清代吏治史料

綫裝書局



巡撫四川等處地方提督軍務都察院右僉都御史臣憲德謹

題爲請

旨事該臣看得川省選補通教職人員臣准部咨奉

旨嗣後補用教職人員著每月一次具題永著爲例欽此隨經行司欽遵在案
茲據布政使高維新詳稱查雍正七年十二月分各屬所出教職員缺遵
例于截發人員內照例挨次選補擬以順慶府舉人楊縉選授江油縣教
諭廣安州揆貢胡永錫選授冕寧縣訓導叙州府揆貢馮珂鳴選授新津
縣訓導溫江縣揆貢張弘學選授德陽縣訓導以上各員陸續調省考試
給發執照赴任俟各該員到任繳照至日彙冊詳齎送部外相應將選補
過各教職緣由遵照按月詳請具

題補用等情前來理合具

題伏祈

皇上勅部查照施行謹具奏

聞雍正八年六月十三日題七月十三日奉
旨該部議奏

署理廣東巡撫印務戶部右侍郎駐劄廣州府臣傳泰謹

題爲請

恩准留能員等事該臣看得現署肇慶府四會縣事留粵

題補知縣蔣晉錫係由副榜考取教習期滿掣授韶州府英德縣知縣隨因
原任英德縣知縣劉庶經前任督臣孔毓珣

題奉

俞旨著帶所降之級留任其蔣晉錫照無任可到之例留粵遇有相當缺出酌
量

題補在案嗣有四會縣知縣李恒照病故缺出經臣委令蔣晉錫署理業將
署理日期報部茲據布政使王士俊署理按察使司印務並運使黃文煊
會詳請將蔣晉錫補授四會縣知縣前來臣查蔣晉錫署事以來辦理無
誤補授四會縣知縣洵屬人地相宜相應會疏
題請竇授除將該員履歷及會

題印結送部外臣謹會題請

旨雍正八年五月二十八日題七月十四日奉

旨該部議奏

經筵講官少保兼太子太保保和殿大學士兼管吏部戶部尚書事加二級臣張廷玉等謹

題爲請

旨事該臣等議得四川巡撫憲德疏稱雍正七年十二月分各屬所出教職員缺擬以舉人楊縉選授江油縣教諭挨貢胡永錫選授冕寧縣訓導馮珂鳴選授新津縣訓導張弘學選授德陽縣訓導等因具題前來 查雍正四年五月內臣部議覆欽奉

上諭事一疏嗣後雲南等六省教職缺出臣部將雙單月應選人員給發令該撫具題挨次選用等因奉

旨依議欽遵在案今該撫既稱雍正七年十二月分江油縣教諭等各員缺以舉人楊縉等選授等語應如該撫所請舉人楊縉准其補授江油縣教諭挨貢胡永錫准其補授冕寧縣訓導馮珂鳴准其補授新津縣訓導張弘學准其補授德陽縣訓導其各員考試等第併到任日期仍令該撫報部

註冊可也恭候

命下臣部遵奉施行臣等未敢擅便謹

題請

旨雍正八年七月二十八日題八月初一日奉

旨楊縉等依議補授

暫行署理江南江西總督印務吏部左侍郎仍兼管戶部侍郎事務理安
慶巡撫印務加二級臣史貽直謹

題爲恭報微臣交送安慶巡撫印務日期事竊臣案於雍正八年六月
十七日准原任安慶巡撫調任湖北巡撫臣魏廷珍咨送閩防等項交臣
署理當將接署日期

題報在案臣於七月初四日自省起程往看松江海塘行至蘇州府地方適
新任安慶巡撫臣程元章赴安慶蒞任亦路由蘇州所有前接

勅書一道

欽給巡撫閩防一顆

王命旗牌八桿面

聖訓二道暨兼理鳳陽蕪湖二閩

欽給閩防二顆

聖訓二道

御製八
臣傲心錄滿漢書二本以及書吏文卷等項於七月初九日仍差委撫標
中軍遊擊王琬蘇州府通判鄭謙齋送新任安慶巡撫臣程元章接受外
所有微臣交送安慶巡撫印務卸事日期謹具題
聞雍正八年七月初九日題八月初一日奉
旨該部知道

巡撫安慶等處地方提督軍務都察院右副都御史加二級臣程元章謹
題爲恭報微臣接印日期等事竊臣荷蒙

皇上特恩陞授安慶巡撫遵卽儼辦

題銷交盤事竣隨於雍正八年七月初三日自杭州由水路起行呈速赴任
本月初六日至蘇州地方適值署理安慶巡撫印務署督臣史貽直來蘇
公務於七月初九日接准咨委撫標中軍遊擊王琿蘇州府通判鄭謙齋
捧

欽頒巡撫關防一顆

王命旗牌八面桿

聖訓二道并前撫臣魏廷珍坐名

勅書一道又

欽頒鳳陽蕪湖兩關監督關防二顆

聖訓二道

御製人臣儆心錄滿漢書二本及書史文冊到臣隨恭設香案望

闕叩頭祇領訖除入境到任日期容臣另疏

題報并將前撫臣魏廷珍坐名

勅書咨部外所有微臣接印日期謹具題

聞雍正八年七月初九日題八月初一日奉

旨該部知道

經筵講官少保兼太子太保保和殿大學士兼管吏部戶部尚書事加二級臣張廷玉等謹

題爲請

恩准留能員等事該臣等議得原署廣東巡撫傅泰等疏稱肇慶府四會縣知縣李恒照病故缺出委令蔣晉錫署理蔣晉錫署事以來辦事無悞補授四會縣知縣洵屬人地相宜相應題請實授等因前來查蔣晉錫順天副榜雍正六年五月分籤掣廣東英德縣知縣續經原任總督孔毓珣等將原任知縣劉庶題留原任臣部議覆准其留任其蔣晉錫照無任可到之例留粵遇缺題補等因奉

旨依議欽遵在案今該原署撫傅泰等既稱四會縣知縣蔣晉錫辦事無悞題請實授等語應如所請蔣晉錫准其補授四會縣知縣可也恭候
命下臣部遵奉施行臣等未敢擅便謹

題請

旨雍正八年七月二十八日題八月初一日奉
旨蔣晉錫依議補授

盛京刑部侍郎兼管署理奉天府府尹印務今調刑部侍郎臣王朝恩謹
題爲恭報交印日期事雍正八年六月初三日奉

上諭張大有補授工部尚書其刑部侍郎員缺著奉天刑部侍郎王朝恩補
欽此臣先經奉

命兼管署理奉天府府尹印務今新任府尹臣黎致遠已到奉天臣於本年七
月初八日遵將奉天府府尹印信委治中王柱國齎送新任府尹黎致遠
收受訖所有微臣交印日期理合題報謹

題請

旨雍正八年七月初八日題八月初二日奉

旨該部知道

經筵講官少保兼太子太保保和殿大學士兼管吏部戶部尚書事加二級臣張廷玉等謹

題爲照例彙題事該臣等議得雍正八年六月分所有試俸三年已滿京官應具題實授者各部院堂官自行具題實授外其在外官員已滿三年之江南江寧府江防同知曹弘緒江西瑞州府同知譚士法貴州都勻府丹江通判今陞清水江同知朱厚各該撫等具題到部應照例彙

題恭候

命下臣部准其實授臣等未敢擅便謹

題請

旨

計開

一件江南江寧府江防同知曹弘緒據蘇州巡撫尹繼善等疏稱該員自雍正四年十二月十二日到任連閏扣至雍正七年十月十二日試俸

三年已滿在任稱職具題實授

一件江西瑞州府同知譚士法據署理江西巡撫謝旻等疏稱該員於雍正四年二月十六日到任連閏扣至雍正七年正月十六日試俸已滿三年辦事勤慎洵屬稱職具題實授

一件貴州都勻府丹江通判今陞清水江同知宋厚據貴州巡撫張廣泗等疏稱該員於雍正五年閏三月十九日到任連閏扣至雍正八年二月十八日試俸已滿三年辦事勤慎果屬稱職具題實授

雍正八年八月初一日題本月初三日奉

旨依議